



DEO OPTIMO MAX. UNI ET TRINO,

VIRGINI DEIPARÆ, ET S. LUCE
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS
*manè discutienda, in Scholis Medicorum, die Jovis decimâ.
quartâ mensis Novembris, anni M. DCC. XLIII.*

M. CAROLO-LUDOVICO LIGER;
Doctore Medico, Præside.

An mensstruis Morantibus, Chalybeata?

I.



ORUM quæ facta sunt, aliqua homini nocent, plurima opitulantur. Quorumcumque Triplex distinguitur classis, scilicet Animalium, Vegetabilium, mineralium. Singula vel alimenti vel Medicamenti nomine insiguntur. Actio singulis est propria, Finis idem est omnibus, nempe solida inter & fluida, æquilibrîi nunc tutela, aliàs refarcitio. Pessum datur istud æquilibrium, vel fibrarum rigiditate, aut laxitate, vel humorum crassitie, nimîæ tenuitate; Ex iis quibuscumque vitiis,

A

2

oritur diversa liquidorum quantitas, simul & inæqualis solidorum renixus, ubi potissimum adest sanguinis exuperantia, qualis occurrit, menstribus morantibus. Quæ tunc surgunt incommoda, alia pendent à debiliore fibrarum tono, quem humorum excipiunt mora & lentor, alia ex earum majori rigiditate quam sequitur liquidorum raritas, nimia tenuitas. Quid suaderi potest? Nisi remedium constans particulis quibus laxiores villos roborare, rigidiores laxare par est, & proinde fluidis pro locorum discrimine, idoneam mensuram, & motus æquales conciliare.

I I.

DIURNUM in Prægnante prolis humanæ nutrimentum dicitur in Adultâ non gerente, Menstruum; portio videlicet sanguinis, sive lymphæ sanguineo colore tinctæ, ex utero singulis mensibus sub excrementi larvâ exiens, acutos sistens eadem raro excitat morbos, eos tantum exacerbat sæpissimè, E contra longos ac contumaces plerumque accersit; suntque vulgò chlorosis, icterus, leuco-phlegmatia, boulimus, pica, malacia, suffocatio uterina, oscitationes, pandiculationes, spasmi, convulsionones, febris amatoria; Horumce morborum causa antecedens, succi est menstrui refluxus, ex eo enim nimia vasis oscillantibus resistit fluidi propellendi copia, vasa proinde distenduntur, suoque defraudantur elatere, lymphæ etiam malè compactæ, cespitat, lentescit, acellit, irritat, fiunt stases & decubitus humorum, aut in solidis insoliti surgunt motus, sæpius inutiles nisi Medicina eas offerat suppetias, quibus liquidorum pondus detrahatur ipsis occlusæ referentur viæ, simul & solidis humorum refluxu laxioribus, novus addatur vigor, donec qui ipsis natus est, sponte redeat, eoque factò perenni & constante, fiat etiam rata Sanguinis Menstrui evacuatio.

I I I.

CHALYBS, hosce parit effectus: Vulgò etenim singularis in utero crispatura accersit menstruorum moram, quam fovet cæterorum abdominis organorum atonia. Pendet sæpissimè ex victus institutione, ex indole, ex animi, vel cogitationibus, vel pathematis. Curatu etiam difficilior est quam ea, quæ proficiscitur, ex corporis vel inertia vel vehementiori motu, aut humorum, vel acrimonia, vel lentore & glutino. Hisce variis uteri affectionibus, menstrui sanguinis evacuatio, per insolitas vias, sub aliâ specie, nunc dissipatur, nunc eadem partes obruit, onerat, impetit. In tollendâ igitur, quæcumque sit, uteri crispaturâ, totus positus est curationis cardo; illud præstat medicamentum quo visceribus ad uterum vergentibus, sufficenter, vel restituitur, vel conciliatur tonus, & ideo sanguis facillè vincit uteri repagula: Tria sunt in Muliere viscera suppressis menstribus præcipue laborantia, sicut feriantibus in Viro hæmorrhoidibus, nempe pulmo, hepær, & lien. Pulmonis affectui præsertim prospiciendum est, & in eo casu potissimum ad ciendos menses sectio venæ brachialis anteposenda; si verò hepær, aut lien & consequenter mesenterium intestinaque præcipue lacestantur, ante usum calybis præstant amara, aperientia laxantia, præfensque est & efficax saphenæ sectio, cujus perennando effectui, optime suadetur balneum; Hæc omnia ad præparandum necessaria sunt, sed ad perfectè medendum imparia, nisi jungatur Chalybs texturâ suâ quoscumque redundantes eliminans succos, ipsis structurâ idoneam commodans compagem, visceribus denique impertiens elatere, quo humores ad loca conferentia dirigantur.

LAPIS quidam è terrâ erutus, crassiusculè tritus fundit ope violenti ignis materiem, ex quâ adhuc excandescente, & repetitis malleorum ictibus actâ, ferrum conficitur pluribus humanis usibus impensum, pluriesque & salubriter in medicinâ adhibitum; Idem quibusdam cæmentatum pulveribus ignique denuò rediditum, aut alternanti, tum ignitione, tum malleatione & in aquam immersione subactum, fit compactius minusque ductile, vocaturque Calybs, Quodnam ex ferro, vel chalybe in medendo præstantius, parvi refert disquirere, nec genuinè definiri potest. An, agat, vel totâ, ut aiunt, substantiâ vel qualitatibus? An sulphure, aut vitriolo, Quisnam scit? An dissolvatur in ventriculo, an in humoribus misceatur, sanguinique innatans, ad remotiores pervadat partes, alii asserant, negent alii; Qui ex iis certiores? Verisimile est, ferri virtutes quilibet suarum particularum ponderi, moli, & figuræ tribuendas; Vis sua in ventriculo, & in intestinis tota evoluitur, his tribuit oscillandi rationem, quæ ad omnes corporis partes, non illicò, sed gradatim extenditur. Sic pleraque medicamenta, & præsertim Mineralia agunt. Quæ vero ex vegetabilibus, & animalibus desumuntur intra viscera sese diffundunt, & ad alimentorum indolem accedunt, Opium tamen & Cantharides generali humorum circuitu per corpus non devehuntur, licet singulariter afficiant cerebrum, & vesicam. Sunt in abdomine, nervorum plexus, quibus impressio quam accipiunt viscera, ad omnes corporis partes, vel ad unam propagatur; Ferrum morbis à mensurorum suppressione ortis, peculiariter medetur, ex eo quod pondere suo, ventriculi & intestinorum membranis, novum ac contumacem opponat renixum, dein figurâ suâ, istorum organorum sanguis intra venas arteriasque per mesenterium expansas, atteritur, ac facillè fluit, demum uno tenore hepatis, & lien humorum circuitus & secretiones expeditius experiuntur, pulmo postea & cor aërem atque sanguinem haud ægrè admittunt & emittunt, fluidis proinde crasis, copia & motus restituntur; organa simul conspirant, istoque feedere, utrum ipsi cogunt cedere, & idcirco sanguini priùs ob repulsam sistenti, pristinus præbetur exitus.

V.

MULTIPLEX adhibenda cautio est in præscribendis chalybeatibus;
 1^a. Scilicet est: ut nulla adsit in quibuslibet visceribus inflammatio; præsertim in pulmonibus, ne ex vellicatione quam excitat ferrum vel per se, vel quolibet artificio paratum, fibris pulmonalibus nimium irritatis, acæreo-sanguineum viscus disrumpatur, excisetur, febris proinde hæctica, marasmus, sanguinis spuitio, & præcipuè Diarrhæa colliquativa oriantur.

2^a. Cautio est ne ferrum usurpetur, ubi tuiget sanguis; sæcùs ejusdem augetur plenitudo ex istius medicamenti usu vasorum diametrum constringentis, unde sanguis in diversas regurgitat partes errabundus, aut in iis morans, lentescit, canales dilacerat, decubitus suscitât internos, hæmorrhagiæ hinc inde promovet, imo lympham nonnunquam ita comprimit intra vasa, ut facta acris præ morâ nunc accersat scorbutum, nunc præ tenuitate vapescat, & proinde nutriendo evadat inhabilis, & in serosam degeneret colluviem, cui non raro succedit hydrops.

32. Cautio est, ne nimia sit in visceribus debilitas, orta nunc ex succis malè elaboratis aut turgentibus: tunc enim ferrum nec agit nec agere potest, suoque pondere chylosim impedit aut perturbat, ingruunt idcirco Cardialgiæ, Vomitus, Diarrhææ colliquativæ, & inde ante ferri usum, sicut per eundem, feliciter adhibetur amarorum, stomachicorum, tonicorum, catharticorum usus.

42. Cautio est, ut ferrum minimâ & diuturnâ quantitate impendatur: quicumque in fibris excitatur motus, non perseverat, nisi sensim sine sensu cieatur, crescentque pertingat ad præcipua corporis organa.

52. Cautio est ut per ferri usum rarè, nunquam post eundem, adhibeantur purgantia. Quando tamen pigra & constricta occurrit alvus, laxetur eadem quotidiano ex aquâ conemate, vel cassiæ aliquot dragmis ante cibum sumptæ. His cautionibus aptus & permanens cunctis organis conciliatur. Elater. Digestio, Nutritio, Secretio, Evacuatio quælibet fit salubriter, atque feliciter contingit Fœminæ, qui ipsi proprius est per certum vitæ tempus, Menstruorum fluxus.

Ergo Menstruis morantibus, Chalybeata.

DOMINI DOCTORES DISPUTATURI.

M. Ludovicus-Florentius Bellot,
Scholarum Professor.

M. Henricus - Franciscus Bour-
delin, Pharmacie Professor
designatus.

M. Claudius de la Vigne de Fre-
cheville, Medicus Regis & Do-
mus Regiæ ordinarius,

M. Joannes de Dieff.

M. Antonius Joannes Daval.

M. Joannes - Dominicus Cheva-
lier, Regis Consultarius, Medi-
cus ordinarius in insulâ sancti
Dominici.

M. Josephus de Jussieu, à Regiâ
Scientiarum Academiâ.

M. Robertus-Hubertus Linget.

M. Ludovicus de Santeul.

Proponebat Parisiis, JOSEPHUS LALLEMANT, Lingonæus,
Saluberrimæ Facultatis Medicinæ Parisiensis Baccalaureus, A, R, S, H. 1743,
à sextâ ad meridiem.